

原春道金城縣金世云獄毆打朴弼琦第三日致死實因被打

城縣安光金獄足踢其妻金召史即日致死實因被踢○本道啓竝依式同推

刑曹回啓竝令道臣詳查啓聞

判依允

本道查啓世云獄段世云為正犯今金為次犯
光金獄段中間變招不足取信刑曹回啓世云
獄事被打日子變幻載錄道臣推考光
金則其妻之自縊致死合有參恕之道

判觀此兩囚獄案回啓論列理甚精詳無容更議是如

乎金城縣殺獄罪人金世云獄事段屢次按查尚無

究竟有此更覈之請揆以獄體大非審克之道兪不

被打日子或以二十四日或以二十三日五日變幻

載錄已是不察况罪人姓字之換互書之尤失照檢

尋常奏御文字尚不容乃爾乙是去殺獄文書何等至

重而有此違錯之事由前由後道伯難免溺職之責

是遣更查判下之後諉諸檢官之時不在任至以今無

可覈之由無難登聞又安有如許紀綱該道監司蔡

弘履為先自本曹發緘取招以聞為原獄事乙即令

親執窮覈從所見論理狀聞後稟處為同縣殺獄罪

人安光金段其妻金女始既不恭於舅不順於夫末

乃不堪偏隘之性妄有縊頸之舉謂之浪死則可也

未可以被殺論因以成獄殊非疑輕之義以卿曹傍



照律參量勘放似不至失刑然光金雖無殺妻之罪

金女亦無毆舅之跡是隱金女之自縊未必不由於

光金之勃谿事既由渠有難白放令道臣決杖放送

之意分付為他餘條件並依回啓施行

本道查啓今金為元犯而斷以本律恐欠惟輕刑曹回啓道臣傳輕亦有意見金世云次律施行趙成龍嚴刑島配任鄭兩女嚴刑照勘在逃崔哥譏捕會推官拿處

判觀此獄案許多疑晦之端今始綻露看證悉備情

跡難掩是如二女各自潛奸兩夫互相猜怒始有廚

邊之踢倒繼以路上之縛打而伊夜所約之女乃是

今金妻則今金含憤之心比世云更加一層乘機逞

毒理所必至雖以諸招觀之弼琦被踢之初乍仆旋走可知其不至重傷而及被結縛打腦之後仍無省覺翌日致命而實因最緊處乃在腦後則犯手之重者非今金而誰也給賂之事始諱而終吐刺股之說前無而後有節節綻露箇箇承款則今金之償命一款更無可疑而但弼琦與任女既有逃走之約非特和奸之跡則今金之要路縛打無異於奸所執捉下手雖甚凶毒在法實有可恕傳輕之論儘有意見正犯人金今金段減死嚴刑島配為金世云段先犯手勢既是自服疑亂獄情亦極痛惡固當置之次律

而正犯既施次律加功不可同勘亦為遠配為趙成

龍段前後情節實為罪魁而比諸世云宜有差間減

等定配為任女背夫亂奔指夜約會既使間夫終

至於被殺又令本夫幾歸於償命論其罪犯實關倫

常嚴刑定配他餘條件竝依回啓施行為殺獄何等

審慎處而初因窮覈之失實以致正犯之差誤究竟

於屢查之餘反案於三年之後揆以獄體寧容如是

伊時初覆檢官竝從重推考當該道臣推考

洪忠道連山縣金十月金獄刃刺其妻金召史第二十三日致死

實因初檢被刺成腫覆檢被刺因病○本道啓論其本情由於為母有難直斷償命之律刑曹